

OLIMPIADA NAȚIONALĂ DE LIMBA RROMANI
ETAPA JUDEȚEANĂ
07 MARTIE 2026
ANUL X DE STUDIU

- Savorre subijektură si musajutne.
- Den pen ivăṭhe 10 pùnttură.
- E butăqo vaxt si 3 òre.

O JEKHTO SUBIJÈKTO

32 pùnttură

Del pes o tèksto:

Arăt, dikhlòm k-o televizòro thaj p-o internèto so
Palal niște manuša vakărel pes amenqe vareso:
Ke von ziven and-e savorre lumjaqe thema,
Kaj but anglal avile andar i purani India.

Len na-i len jekh them, na bešen khethanes an-jekh than,
Kana avelas len jekh, lesqo anav avelas „Rromanothan”!
Kathe zivenas lošale: kăldărără, ričinără, xoraxane rroma,
Sinti, lovără vi savorre prinzarde rromane nămură.

Vi kana kadava them avelas but tikno,
An` lesṭhe, le rromenqo gi ovelas užo vi baro.
Savorre lumjaqe rroma si sar niște phrala!
Von ziven khethanes sar but laṭhe amala!

O Laḥo Devel mukhlăs amen kadja:
Te phiras p-e droma andar i savorri lùmja,
Te kamas te bešas telal o ćerxenărdo ćero,
P-i zèleno ćar thaj pa-o zinzardo kïmpo.

Si manuša save mothon so sam ćora vi khanile,
Von na prinzaren ke ame sam but pakivale!
Sam butărne thaj keras but šukar bută,
Kamas te na bistaras amari purani tradicia.

Žanas te das pakiv le phuren thaj le manušen
Sar sikaven e valòre andar o RROMANIPEN.
Rugisaras amen le Devlesqe t-ovas godăver vi BAXTALE,
And-jekh ćaço PHRALIPEN te avas PAKIVALE!

Rromalen, kaj aresle šerale vi bare manuša!
Te na bistren te maren tumen vaš amare ćorre rroma!
O Del te del tumenqe baxt, zor thaj but godi,
Te vastdel tumenqe an` tumari importănto buti!

Tume kaj san simplo, pakivale thaj baxtale rroma,

Aśunen so phenav tumenqe mirre kuć phrala:
Aven te keras nùmaj bută save si śukar vi laće,
Te sikavas ke ame na sam „ćora, nasul vi khanile”!

Te avas barikane ke sam baxtale, lośale vi godăver rroma
Kaj si amen jekh purani ćhib kaj śukar vakăras la!
O Svùnto Devel te del tumenqe baxt thaj te avel amenća,
Tiknorrenća, ternenća, phurenća vi savorre amare amalenća!
(*Kon sam ame? – palal o Jonel Kordovan*)

1. Xramosaren savo si o tìtulo, o autòro thaj o mesàzo le tekstosqo din omaj opre!
6 pùunktură
2. Arakhen e sinonimură vaś e alava: *źutisardăs, akharipen, biandăs pes, pakivale*.
4 pùunktură
3. Roden thaj xramosaren, andar o dino tēksto, trin sarnavnă/ pronòmbrură! Xramosaren savo si lenqo fălo thaj lenqo kēzo.
6 pùunktură
4. Roden thaj xramosaren, andar o dino tēksto, duj rromane buxle paśnavnă/ adźektivură. Xramosaren k-o savo komparaciaqo grădo si von.
4 pùunktură
5. Roden thaj xramosaren, andar o dino tēksto, trin paśkernavnă/ advèrbură! Xramosaren savo si lenqo fălo.
6 pùunktură
6. Roden thaj xramosaren, andar o dino tēksto, trin alava and-e save si postpozicionăla grafème. Xramosaren so vakăripnasqi rig si thaj ke savo kazi si kadala alava.
6 pùunktură

O DUJTO SUBIJÈKTO **58 pùunktură**

1. Ambolden gazikanes e anglutne trin stròfe andar o tēksto din omaj opre!
18 pùunktură
2. Nakhaven i kernavni/ o vèrbo „*siklărel – a învăța*” ka-e savorre zenutne mòdură!
12 pùunktură
3. Nakhaven/ xramosaren i sintagma „i rromani tradicia – tradiția rromă” ca e savorre kēzură, ka-o jekhipen vi ka-o butipen.
12 pùunktură
4. Ambolden and-i rromani ćhib!
16 pùunktură
 - a) Fratele prietenului meu ar dori să studieze la una dintre cele mai bune universități din țară.
 - b) Ediția de anul trecut a Olimpiadei Naționale de Limba Rromani s-a desfășurat în orașul Oradea, în perioada 24-27 aprilie 2025.
 - c) În România, elevii rromi vorbesc mai multe dialecte, însă la școală ei învață limba rromani comună.
 - d) Dacă dorești să vii cu mine în excursie, îți voi plăti eu toate cheltuielile de transport, cazare și vizite la obiectivele turistice renumite.